

“O tlhatlhogetse kwa godimo
mme a neela batho dineo.”



*bosupi ba ga Moruti William Branham
ka bogaagwe ka ga go tla ga neo*



Moruti William Marrion Branham

“O tlhatlhogetse kwa godimo mme a neela batho dineo.”

Kaga go tla go ga neo ya phodiso, nka le bolella fela kitso jaaka e tlile go nna. Ke tumelo ya me e e tlhomameng le boammaruri gore dineo di tlhomilwe-pele ke Modimo. Bontsi ga bo dumele mo go tlhomelopele, mme se se tlhomamiswa ke dikwalo gore ditiragalo tse dintsi tsa Beibele di tlhomilwe-pele ka bomodimo. Sekao, tsalo ya ga Keresete e tlhomilwe-pele go tswa kwa Tshimong ya Eden. Mme e ka nna dingwaga di le 712 pele ga go tla ga Johane Mokolobetsi, Jesaya o bone mme a bua ka ene jaaka lentswe la mongwe yo o kuang kwa sekakeng. Moporofeta Jeremiah o buile gore pele a gore a bopiwe mo sebopelong sa ga mmaagwe, Modimo o mo itsitse mme o mo tlhomile moporofeta mo godimo ga dichaba. Ke dumela gore tlhomelopele e arabela neo e ka tharabollo e le gona: Ke ne ke sena motheo wa tsa bodumedi. Batswadi ba me e le ba tsa bodumedi tse di sa tshwaneng mme kantlha ya seo, ga ke ise ke ye kwa tirelong.

Santlha gore ke nne le mogopolu wa seo bokamoso bo se tshotseng, e ne e ka nna mo ngwageng wa bosupa, ga e sena fela ke simolotse sekolo mo karolong ya motse legae dimaele di se kae borwa ba Jeffersonville, Indiana, mo rre e ne e le mokgweeletsi wa sephiri wa lelapa la bahumi. Ka gale ke ne ke ratile go tshwara ditlhapi le go tsoma. . . le ga e le tshokologo ya me ga ya ka ya ntsha seo mo go nna. . . Mme thapama eo ya Loetse go le thari bangwe ba basimane ba ne ba ile kwa mogobeng o o neng o tletse ditlhapi go tshwara ditlhapi, ge ke ne ke tshwanetse go gellela rre metsi. Ke ikwatlhaya go le bolella gore metsi a ne a ile go diresetswa eng. Rre o ne a nwa thata, mme ka nako yona e ba ne ba dira whiskey, go ntse jalo ke ne ke tshwanetse go thothela metsi kwa mechining ya bojalwa, e e neng e tshwanetse go dira

bosigo boo. Go tla ka tselana, ke beile dikgamelotsa me tsa kgotlha-o-mone fa fatshe mme ka itatlhela ka fa tlase ga setlhare go ikhutsa ka nakonyana, ke lla gonane ke ne ke sa kgone go tshwara ditlhapi le basimane ba bothe. Ge ke santse ke nntse koo fa setlhareng, sengwe se diragetse se ke se kitlang ke se lebala. E ne e-kete, go na le modumo wa go foka ga phefo ka matlhare, mme, ge ke leba godimo, ga ke a bona matlhare a tsikinyega kgotsa sesupo sengwe sa phefo. Ka nna ka tidimalo, ke tshogile le go gakgamala kwa leratla le neng le tswa teng, ge ke e utlwaa gape, go ntse jalo ke setse dikgamelotsa me mme ka simolola go tsena mo tselaneng. Ka nako e e tlide gape, e utlwala bogolo go na le pele, mme jaaka Ke lebile kwa morago go bona se se setseng se diragetse, Ke lemogile gore botlhengwe go ya kwa godimo mo setlhareng ekete go na le setsuatsue, mo go sona lentswe le le utlwaland le buileng mafoko a: "O sekwa ba wa goga, wa nwa, kgotsa go kgotlela mmele wa gago ka tsela nngwe, ka gonane go tlaa nna tiro e o tlaa e dirang ge o le mogolwanyane." Ke ne ke tshogile thata ke ne ke sa itse gore ke dire eng. Ke kua le go tshabelka kwa ntlong, ke wetse mo mabogong a mme, yo o gopotseng ke ne ke lomilwe ke nogaa. Ke moleletse gore ke tshogile fela, go ntse jalo o nthobaditse mme o ne a ile go bitsa ngaka, a gopolka gore ke tshwerwe ke letshogo la gofafama. Jaanong, ditsala, ke a itse gore batho ba bantsi ba tlide go sotla polelo e, mme nka sekwa ka emela seo bangwe ba se buang. . . . ke emela fela tsa kitso e e leng ya me. Go sa batlege go ka re, ga ke ise ke tlhole ke feta fa setlhareng seo gape. Ke ne ke potologa ka fa letlhakoreng le lengwe la tshingwana go se fapoga, gonane ke ne ke gopotseng gore go na le monna mo setlhareng seo. Mme Ke santse ke dumela go ne go na le monna mo setlhareng. E ne e le moengele wa Modimo, mme morago mo dingwageng, ke kgatlhane le ene sefatlhego ka sefatlhego mme ke buile le ene.

Morago ga dibeke di se kae go tloga moo, ke ne ke tshameka dimabole le morwaarre, ge maikutlo a a sa tlwaelegang a tla mo go nna. Ke thekeela fa selhareng, mme, jaaka ekete ke tseane, ke bone sepene se segolo se tsoga mme se tshela noka; mme ke

lebeletse ge palo ya batho e wela mo nokeng mme ba betwa. Ge ke itharabologelwa, ke tabogile mme ka bolella mme, mme gape a fetsa ka gore ke ngwana yo o fafamang. Dingwaga di le masome-a-mabedi-le-bobedi go tloga nako eo, borogo ba Masepala ba agiwa go tshelaganya Noka ya Ohio, mme yona palo e e tshwanang le yona ya banna ba ba dirang ya betwa, ba wa mo borogong. Wa bona, dilo tse ga di a tla ka thapelo kgotsa keletso, mme di ne di tlhomilwepele mo thatong ya semodimo ya Modimo.

Tiragalo ya mofuta o e e latelang e tlile go ka nna letsatsi le lengwe ge ke ne ke ya kwa nokeng le rre le monna o mongwe. Ba ne ba mphile seno sa whiskey, mme gonno ke ne ke batlile go bona thekegelo go monna yo gore a tle a ntetlelle ke dirise mokoro wa gagwe, ke ne ka simolla go tsaya seno. Mme jaaka ke tlhomamisa jaaka ke bua gompieno, ke utlwile modumo o o o tshwana le go foka ga matlhare. Ke lebile mo tikologong, mme ke sa bone matlhare kgotsa sesupo sa phefo, ke beile botlolo mo dipounameng tsa me gape, ge ke utlwa leratla lele tshwanang, fela ka go utlwala. Poifo ya nkparela jaaka pele; ke beile botlolo mme ka tshaba, ge rre a ne a mpitsa legatlapa. Au, kafa seo se utlisang botlhoko! Kwa morago, ke biditswe legatlapa ke tsala ya me mosetsana ya bosha ba me ge ke ne ke mmolella ge ke sa goge. Ka go gakadiwa ke tshotlo ya gagwe, ke tsere cigarette mme ke ne ke ile go se goga go ntse jalo, ge ke tshwarwa ke modumo ole o o tlwaelegileng, o ntira gore ke latlhele sekerete fa fatshe mme ke tlogele ponatshego ke lla gonno ke ne ke sa tshwane le batho ba basha ba bangwe, ge ditshotlo tsa lesomo di llile mo ditsebeng tsa me. Tsena ke tse di seng kae fela tsa dilo tse dintsi tse o ka reng di tshwana le tse di diragetseng tsotlhe go ya ka tsa bophelo. Go ne ka gale go ntse go na le maikutlo ao a sele, jaaka mongwe a eme gaufi le nna, a leka go bua le nna sengwe, mme bogolo ge ke ne ke le mongwe. Ga go ope yo ekete o ne a ntthaloganya ka gope. Basimane ba ke neng ke tshwanetse go tlwaelana le bona ba ne ba sena sepe le nna gonno ke ne ke sa goge kgotsa ke sa nwe, mme basetsana botlhe ba ne ba ya danseng, sa tseo ke neng ke sa kgone le ga e le go tsaya karolo, go ntse jalo e kete mo gare ga

bophelo botlhe ke ne ke le nku e e timetseng fela, ke sa itse ope o o neng a ntihaloganya, mme le nna ka bogaame fela ke sa itihaloganye. Mme ke ne ke sa itse ka nako eo se bokamoso bo bogolo se neng se bo tshotse jaaka Ke itse jaanong.

Tiragalo e e latelang ya botlhokwa eo ke e gakologelwang e tlide e ka nna ge ke ne ke le gaufi le dingwaga di le lesome-lele-robang mono o le mongwe. Ke ne ke itshidila dinao mo gare ga mabala a dicarnival bosigo bongwe le basimane ba bangwe, ge lenswe le bitsa, "Le re, wena! Tlaa kwano!" Ge ke leba kwa morago, ke ne ka bona kgarebe e nntse ka fa tlase ga tente, molepi wa dinaledi. O nkgwethile go tla kwa go ene, mme, ke gopola gore o batlide gore ke mo direle sengwe, ke patelesegile. O rile, "A re, a o a itse gore o tsetswe ka fa tlase ga sesupo mme go na le naledi e e go setseng morago? O tsetswe ka neo." Go le jalo, basimane ba ne ba nthumola ka gore ke na le neo, go ntse jalo ke lekile go e fetisa ka puo nngwe mo go kgarebe, yo mpoleletseng gore le ge ke le kgatlanong le ene go mpolella seo, letsatsi lengwe ke tlaa tihaloganya seo a neng a se kaya. Ke lekile go kgarameletsa dilo tse kwa morago ga tihaloganyo ya me, ke dira mo ditirong tse di farologaneng, ke sa kgotsofale, ke tloga mo lefelong lengwe go ya go le lengwe, ke tshwanelo ke go bogisiwa ke loso la mohumagadi wa me ngwana, le matlhomola a mangwe a mantsi a a neng o kare a feta bogolo go seo pelo ya motho e ka se itshokelang. Ke batlide kagiso le kgotsofalo mo go tsotlhе tse di gopolwang, mme o ka re go na le sebaka se se ka nnang diinchisi tse di lesome mo go dimo ga logopo la mmele wa motho se se kitlang se tlala go filha Keresete a tsena. Mme kwantle ga mahutsana a me, go ne go na ka gale maikutlo ao a sengwe se se lepeletseng mo go dimo ga me, se oketsa mo matlhomoleng a me. Kwa bofelong, lerato la me go tihago le ntisitse mo tirong go nna motlhokomedi wa diruiwa tsa naga ya Indiana, e e nkisitseng mo dikarolong tse di farologanyeng tsa naga.

Ka letsatsi le lengwe ke ne ke eme mo beseng e e tletseng ke ya kwa Henryville, Indiana, mme, ka utlwa gore mongwe o ne a ntebile, ke retologetse kwa go mathlo a tshipi a mafitshwa, a e neng e le a mohumagadi o o neng a lebega sentle. O rile mo go nna, "O jewa ke bodutu, a ga go a nna jalo?"

"Nyaa mma," Ke arabile mme ke ntse ke leba kwa ntle ka fensetere, ke gopola gore o gogetswe ke unifomo mme fela a ne a rata go bua.

O buile gape, "Ka gongwe bokaone ke itlhalose. Ke molepi wa dinaledi."

"Go siame," ke ne ke gopotse gore, "Ka gongwe nka nna ka utlwa seo a batlang go se bua."

"Tota o kgopisiwa ke se, a ga go a nna jalo?"

"Ee mma, Go ntse jalo."

"O gopola ke batla go bua le wena ka tsa bodumedi, a ga go jalo?"

"Ga ke itse."

"O modumedi, a ga go jalo?"

"Nyaa mma."

"Gongwe nka go bolella sengwe ka bogaago. O tsya kwa bophirima a go jalo?" o mpoditse.

"Nyaa mma."

"Ke gona o batla go ya bophirima."

"Au go siame, ga go tshwane. Ke ne ka gale ke batlile go ya bophirima," Ka arabu, ke gopola ke tlile go mo tlogela go bua ka go tswela-pele mme a se tshwantshanye le se molepi mongwe wa dinaledi a neng a se buile.

"Tharabollo ya seo ke botsalo ba gago," o tswetse pele.

"O itseng kaga botsalo ba me?" Ke boditse ka patlisiso.

"Lekau, ge ke go bolella fela ka yona nakwana e o tsetsweng ka yona, a o tlala ntumela?"

"Go siame, tota ke tlhomame, mme ge mongwe a mpolella boammaruri, ke tshwanetse ke go e dumela," ka araba. Mme ke santse ke dumela seo — ge e le boammaruri, ke boammaruri.

Go siame, o seka wa mpotsa kafa a se dirileng ka teng, mme o mpoleletse ka ona motsotso o ke tsetsweng ka ona. Go ne go na le motsamaisi wa sekepe fa morago ga me, mme ke mmreditse ge a ka mmolella gore o tsetswe leng. O rile a ka se kgone, mme a sa kgone nna ka go sa tlhaloganye se, ke mmreditse gore ke kantlha ya eng a kgonne go mpolella mme a sa kgone go mmolella. O rile ke ka gonne go ne go na le sesupo se se ntshetseng morago... mme pelo ya me ya wela, gonne se se busitse kgakologelo e naana ya se ba bangwe ba mpoleletseng sona. O boditse gore a molepi wa dinaledi o kile a bua le nna pele, mme ke mmoleletse gore nyaa, ke akela mofumagadi.

"A o itse sengwe kaga Jesu Keresete?" a botsa.

"Ke a itse o ne a tshwanetse go nna morwa Modimo," e ne e le fela kaga se nka se buang.

"A o itse sengwe kafa a tsetsweng ka teng?... Ke eng se se ttileng sa mo obamela pele?"

"Banna ba bararo ba ba botlhale, ge ke gakologelwa sentle."

"Ba ne ba setse eng morago?" a tswela pele.

"Naledi, ke a dumela."

"Go ntse jalo. Ke gona ba ne ba tshwanetse e kabo e ne e le balepi ba dinaledi, gonne ba ne ba disitse dinaledi," a tlhomamisa. "Lekau, ke buile le banna mo White House. Ke kgalemetsse Mopresidente Harding pele kaga loso la gagwe le le gagamatsang, mme ke na le sengwe se ke ratang go bua le wena ka sona. O tsetswe ka fa tlase ga naledi e e rileng go nna motho yo o filweng. A ga go na modiredi o o kileng a go bolella seo?"

"Ga ke amege ka gope le badiredi," ke arabile.

"Ke gona ntheetse: Ge Jesu Kereste a tsetswe," go ne go na le banna ba bararo go tswa Botlhabatsati ba ba neng ba setse morago seo se se bidiwang jaaka tlwaelo gore ke naledi; mme tota go ne go na dinaledi di le tharo tse di kopaneng kwa Bethlehem, mme ka go golagana ga mmogo, di dirile naledi e le nngwe e e neng e okametse Keresete. Ka nako eo, Modimo o rometse Neo e kgolokgolo e A kileng a neela lefatshe, Morwa Wa Gagwe yo a tsetsweng a le esi. Ge banna ba ba botlhale ba tsamaile, dinaledi tse tharo tseo tsa kgaogana mme ga di ise di golagane ge e sale. Modimo ka gale o bolela ditiro tsa Gagwe mo magodimong pele a gore A di bolele mo lefatsheng, mme banna ba bararo ba ne ba disitse seporofeto sa moporfeta Beilame gore naledi e tlaa tswa go Jakobo," o tswetse pele, a toute dikwalo di le dintsi tseo tsa tsona ke neng ke sa di tlwaela, mme ke reeditse ka tlhoaafalo jaaka a ntse a tswela pele. "Jaanong dinaledi tse ga di ise di golagane gape gammogo, ga e se ka dingwaga di se kae di kgabaganya tsela ya tsona, mme ge se diragala se itsise mo kamogelong ya go tsalwa ga Jesu, gore go na le neo e nngwe e romelwang gape mo lefatsheng. Mme go o ne o tsalwa dinaledi tsena di kgabagantse. Go ne go na le naledi e e neng e go setse morago ge o pagama bus mo Jeffersonville; ke bone naledi e go okametse, mme ga ke tlhaloganye gore ke kantilha ya eng ba bangwe ba ise ba go bolelle kaga yona pele ga jaanong."

Gore bangwe ba seka ba tlhaloganye, Ke tlaa re fa morago ke bontshe gore mokgwa wa go ithuta go lepa dinaledi o kgatlhanong le makwalo mme tota e seng gore Mokeresete a tshameke ka yona (Isaya 47:13-14) mme polelo ya molepi ona wa dinaledi ya naledi ya ga Keresete mo tlhalosong ya gagwe, mme ga e yo mo dikwalong. Mme e mo dikwalong mo go Satane fela go neela bosupi mo go neo ya Modimo, mme ke lona lebaka la me go bolela ka dipuisano tsena.

Ke ka gona, o ka gopola kafa ke neng ke ikutlwka ka teng. Ke goroga kwa ke yang teng, ke lebogile mohumagadi mme ka

tlogela bus, mme ke ne ke sa kgone go kgaogana le maikutlo a a sa tlwaelegang a a neng a nkokametse ka go tswelapele, a ntira gore kefafame mme ke tsole, ke tlhomola-pelo mo bathong, le ga gontse jalo ke boifa go nna ke le mongwe, ke boifa ka nako nngwe le nngwe ge phefo e ka foka. "Ke eng sena sotlhe se se neng se se kaya?" Ke ipoditse kgabatsakgabetsa. Ka nakonngwe morago ga seo Ke ne ka sokologa mme ke neile bophelo ba me mo go Keresete. (Ke kwadile setshwantsho se sekhutshwane sa bophelo ba me mo bukaneng e e bidiwang "Jesu o Tshwana Maabane, Gompieno le ka Bosenabokhutlo.") Morago ga tshokologo ya me, e e diragetseng mo loobonyaneng fa morago ga ntlo ya etsho, ke tsere kgolagano ka pitso ya phuthego ya Baptist mme ke ne ka nna mogolo wa phuthego, ke beilwe ke Ngaka Roy Davis wa Jeffersonville. Morago ga tsoseletso e e tsweletseng pele ya tente koo, ba nkagetse tebarenekelle, e e sa ntseng e le teng kwa mileng wa 8 le wa 10, e itsiwe ka Branham Tebarnacle, mme ka palo ya dingwaga tse di rileng ke ne bogolo ke tswelapele jaaka modiredi, ke setse ke kolobeditse dikete tse di mmalwa tsa batho mme ke bona ditshokologo tse dintsi ka kgalalelo ya Modimo mothatayotlhe. Fela ke gona ke nntseng ke tswellapele mo go rapelleng balwetse, le ga ekete ke ne ke sa itse gore se kaya eng, mme ka dinako tse di ntsi diponalo le dilo tsa bosaitsiweng di ne di tla mo go nna, tseo dipalo tsa batho mo tikologong ya Jeffersonville ba ka di tlhomamisang. Nako nngwe e e rileng e gongwe nka e umakang: Ke ne ke le mo felong gongwe mo Nokeng ya Ohio, ke kolobetsa palo e kgolo ya basokologi, mo gare ga boididi ba batho ba ba phuthegileng mo lobopong go bona tirelo. E ne e le thapama e e bothito, mme koo ge magodimo a ne a tshwana le kgotlho, naledi e kgolo e e phatsimang e tlide mme ya okama fa ke neng ke eme teng. Bontsi ba lona bo tlaa gopola bo buisa seo mo dipampiring. E setse e iponaditse gantsi ga e sale. Ka nako nngwe e e fetileng ke ne ke le mo motseng o mogolo ka tirelo ya masigo a le mararo, mo gare ga bontsi ba makgolokgolo a batho. Wa ntsha yo ke mo rapeletseng e ne e le ngwana yo monnye, yo maoto a gagwe a hutagantsweng ke polio, ya mo dira gore a tsamaye ka

menwana ya gagwe ya maoto. Jaaka go tlwaelegile mo di tirelong tsa rona, bareetsi ba ne nntse ka diltlhogo tse di obilweng ka boingotlo jaaka ke tshotse mosimane mo mabogong a me mme ke ne ke mo rapella, ge e ne ekete ke ne ke goteleditswe lebone le le phatsimang. Ke gakgamaditswe ke makgakga a molebedi ka go nkgoeteletsa lebone le le bogale, mme jaaka ke bula matlho a me ka kgakgamalo, foo fa pele ga me go ne go eme naledi ya masa. Ke tlogetse mosimanyana, kgotsa kana o tlotse mo mabogong a me... Ga ke a itse gore go diragetseng, gonne e ne ekete nonofo yotlhé mo meleng wa me e ne e sule bogatsu. Jaaka a kgoma fa fatshe dinao tsa gagwe tsa nna ka tshwanelo, mme gantilha mo bophelong ba gagwe o tsamaile ka tlholego go tloga mo platforomong. Bareetsi ba ne ba le mo khuduegong; mmaagwe a idibala; mosetsana wa Mo-Nazarene, yo e neng e le tsala ya ngwana, o ne a letsa mo piano, "Ngaka E Kgolo," mme ge a bona motlholo o o neng o dirilwe ke Morena wa rona Jesu yo o rategang, o tlotse mme o tshabile dinao di ka nna lesome le botlhano go tloga mo piano, diatla tsa gagwe di le kwa godimo, a lla le go goa... mme ke a itse e utlwala e sa dumelesege, mme makgolokgolo a ka tlhomamisa se... piano eo ga ya ke ya latlhegelwa ke modumo, ga e se gotswelapele ka go letsa pina eo. Dilo tse dintsí tse dikgolo di diragetse. Batho ba ba fetang makgolo a a supang ba neela matshelo a bona mo go Keresete bosigo boo. Bontsi ba lona batho ba ba neng ba le teng koo le tlaa buisa se... Modimo a le tshegofatse. Ke santse ke leka go dira tsotlhé tse nka kgonang go di direla Keresete.

Jaanong ka tsela ya tlhaloso go ya ka potso e gantsi e nnang teng. Badiredi ba bantsi ba mpoditse, "Mokaulengwe Branham, o gopolang ka thuto ya go lepa dinaledi? A o dira se ka nonofo ya thuto ya go lepa dinaledi, mme ge go sa nna jalo, ke kantilha ya eng o neela balepi bale ba dinaledi tlotlo mo pepeneneng ka gore ba porofitetse mo selong se?" Nka bua se fela: mpolelle felo gongwe mo lefatsheng moo nonofo ya balepa dinaledi e e fodisang balwetse. Mo go balepi bothle ba dinaledi, babollelipele, babui le medimo jalo jalo bao lefatshe le ba itsetseng, mpolelle felo

gongwe mo mongwe a butseng matlho a difofu, a dirile gore disusu di utlwe kgotsa dimumu di bue. Go na le tsela e le nngwe fela. . . ka leina la Jesu Keresete le madi A Gagwe a a tshologileng kwa Calvary. Mme se se sa tlwaelegang mo go nna, (mo malatsing a a fetileng jaaka le gona gompieno.,) go na le ditlhomamiso jaaka tse di latelang: ge Neo e santse e beilwe botsetse mo bojelong, baperesita ba ne ba le mo tempeleng ba ganetsana gongwe kgotsa nyaa ge go ne go na le tsogo ya baswi, mme ka yona nako eo, setlhopa sa banna ba bottlhale ba tswile kgakala mme ba itsitse Neo ya Modimo mo lefatsheng. Rure, ka re bolepi ba dinaledi ke ba nonofo e nngwe, mme fela le diabolo o tshwanetse go supa ka neo ya Modimo. Lesa banna bao ba ba bottlhale ba nne le ga e le bo mang kgotsa le ga e le eng se ba neng ba le sona. . . ba ne supa ka neo ya Modimo mme ba tlie go obamela mo tempeleng pele a gore baperesita ba dire jalo. Le gona ge Paulo le Silas ba ne ba le kwa Filipi, mme baperesiti le badiredi ba motse ba ne ba ba bitsa maferefere mme ba ba laolela kwa kgolegelong, molepi molella-pele mongwe o monnyane a kuella batho gore banna bao ba ne ba romilwe ke Modimo go ba bontsha tsela ya poloko. A ga go gakgamatse gore mosetsanyana wa lelata, a tshwere ke moyo o o maswe, o itsitse nonofo ya Modimo mo go Paulo le Silas, ge fela baetapele ba ne ba sa ba amogele. A go ne go sa makatse gore, mo lebakeng le lengwe, ge bontsi bo ne bo re Jesu ke Beelzebub, mademone mo monneng a kuile mme a re a itse gore Ene e ne e le mang. . . diabolo a ipobola ka bo-modimo Ba Gagwe, mme Bafarasi ba re E ne e le diabolo. Mme go ntse jalo le gompieno, gore bontsi bo belaela le go hiduega mo gare ga bona kaga dithuto tsa bona le maithlomo, mme ba iletsha batho ditirelo tsa phodiso, ge neo ya bomodimo ya Modimo e dira mo lefatsheng mme bontsi ba bona ba e tlhaela. Au, baruti ke ikanya mo Modimong gore le tlaa tsoga. Eseng ka gore ke dirilwe serwadi sa neo e; ga ke na seabe mo go tleng ga yona. . . Modimo o e rometse. Ge bana ba Israele ba ne ba le kwa Egepeto ba llela mogolodi, Modimo o rometse moengele Wa Gagwe kwa go Moshe. Moshe o ne a sena seabe mo go seo. . . e ne e le fela

moengele wa Modimo yo o dirileng tiro, a dirile metlholo. Moshe e ne e le fela muelli wa moengele wa Modimo; mme ke seo fela keleng sona gompieno. . . fela mmuelli wa moengele.

Ke tshwanetse go le bolella ka moengele le go tla ga Neo. Ga nkitla ke lebala nako eo, Motsheganong 7, 1946. . . paka e ntle thata ya ngwaga mo Indiana, koo ke neng ke santse ke dira jaaka motlhokomedi wa diruiwa. Ke ne ke tlile gae ka dijo tsa motshegare, mme ke ne ke tlile go potologa ntlo fela ke ntsha sethunya sa me, ge tsala ya me e e rategang e ne e buisana le nna mme e nkopa go ya le yona kwa Madison thapama eo. Ke moleletse go sa kgonege jaaka ke ne ke tshwanetse go disa, mme ge ke ntse ke tsamaya go potologa ntlo ka fa tlase ga setlhare sa maple, e ne ekete bogodimo botlhe ba setlhare bo kgaogile. E ne ekete sengwe se fologetse kwa tlase ga setlhare seo jaaka phefo e kgolo e e tsubutlang. . . Ke ne ka thekeela. . . ba sianetse kwa go nna. . . mohumagadi wa me o tswile mo ntlong, a tshogile, mme o mpoditse gore molato ke eng. Ke leka go itshoka, ke ntse fa fatshe mme ke mmoleletse gore morago ga dingwaga tsena tse di masome-a-mabedi tse di gakgamatsang ke tlhoafaditswe ke maikutlo ana a botlhodi, nako e ne e gorogile ge ke ne ke tshwanetse go batlisisa gore se se kaya eng, kgotsa ke ne ke se kitla ke boa gape. Kotsi e ne e tlile. Ke mo sadisitse pila le ngwanake, mme ke mo tlhokomedisitse gore ge nka sek a ka boa ka malatsi a se makae, a sek a mpatla. Mme fano, mmuisi yo o rategang, ke karolo ya kitso ena ya bosaitsiweng e e amanang le phodiso ya gago, go ntse jalo buisa ka thapelo le ka kelotlhoko. Thapama eo ke ile kwa felong ga sephiri go rapela le go buisa Beibele ya me. Ke rapetse ka tlhoafalo; e ne ekete moyo otthe wa me wa botshelo o tlile go gagoga go tswa mo go nna. Ka lla fa pele ga Modimo. . . Ke ne ka tlhoma sefatlhego sa me fa fatshe. Ke lebile kwa godimo go Modimo mme ka lla, "Ge o ka intshwarela ka tsela e ke dirileng ka yona, ke tlaa leka go dira bokaone. . . Ke ya ikwatlhaya gore ke ne ke itsemeletsa mo dingwageng tsena tsotlhie mo go direng tiro e o neng o batlile gore ke e dire. . . a o tlaa bua le nna ka tsela nngwe, Modimo? Ge o sa nthuse, nka se tswelle

pele." Ke gona mo bosigong, go ka nna ura ya lesome-le-metso o mongwe, ke ne ke tlogetse go rapela mme ke ne ke nntse ge ke lemoga lesedi le nyedima mo phaposing. Ka gopola mongwe a tla ka lesedi le le nyedimang, ke lebile kwa ntle ka fenstere, mme go ne go se mongwe, mme ge ke leba kwa morago, lesedi le ne le ikala fa fatshe, le ntse le phatlalla. Jaanong ke a itse se ekete se go makatsa thata, jaaka se dirile mo go nna le gona, mme gakologelwa, phodiso ya gago e ikaegile mo goreng wa se dumela kgotsa nyaa, jaaka o tlaa bona moragonyana. Jaaka lesedi le ntse le phatlalla, go jalo ke ne ka tlhotheletseg a mme ka simolla go tswa mo setulong, mme jaaka ke lebile godimo, koo go ne go okame naledi ele e kgolo. Lega go ntse jalo, e ne e sena dintlha tse tlhano jaaka naledi, mme e ne e lebega bogolo jaaka kgolokwe ya mollo kgotsa lesedi, e phatsima fa fatshe. Fela ke gona ke utlwileng mongwe a tsamaya go kgabaganya fa fatshe, se se ntshositseng gape, jaaka ke ne ke sa itse ka mongwe yo o neng a tsile go tla koo kwantle ga me. Jaanong, go tla ka lesedi, ke bone dinao tsa monna a tla kwa go nna, jaaka mokgwa wa tlholego jaaka o ne o ka tsamaela kwa go nna. O bonetse go nna monna yo, ka bokete ba botho, a neng a ka lekana bokete bo ka nna diponto tse di makgolo a mabedi, a apere diaparo tse tshweu, o ne a na le sefatlhego se se borethe, a sena ditedu, mme ka moriri o o fifetseng go fitlha mo magetleng a gagwe, bogolo ka mmala o o fifetseng, ka sefatlhego se se itumedisang, mme a atamela, mathlo a gagwe a tlhabana le a me, mme ka a bona kafa ke boifang ka teng, o ne a simolla go bua. "O se boife. Ke romilwe go tswa fa pele ga sefatlhego sa Modimo Mothathayotlhe go go bolella gore bophelo ba gago bo bo sele le ditsela tsa gago tse di sa tlhaloganyegeng e ne e le go supa gore Modimo o go rometse go isa neo ya phodiso ya semodimo go mefuta ya batho ba lefatsh. GE O KA IKANYEGA, MME O KA DIRA BATHO GORE BA GO DUMELE, GA GO SEPE SE SE TLAA EMANG FA PELE GA THAPELO YA GAGO, LE ESENG KANKERE." Mafoko ga a kgone go bontsha kafa ke ikutlwileng ka teng. O mpoleletse dilo di le dintsi tseo ke senang sebaka sa go di kwala fano. O mpoleletse kafa ke tlileng go kgona go tshwara malwetse ka meubo mo

seatleng sa me. O ne a tsamaya, mme ke mmone gantsi ge e sale ke gona. O iponaditse mo go nna, gongwe gangwe kgotsa gabedi kafa teng ga sebaka sa dikgwedi di le thataro mme o ne a bua le nna. Go se gantsi o iponaditse ka go bonala mo go neng go na le ba bangwe. Ga ke itse gore ke mang, ke itse fela gore ke morongwa wa Modimo mo go nna.

Go sa tlhonego go bua, ke simolotse go rapella batho ba ba Iwalang. Ga ke bolele go tsaya manno a ngaka... Ke gopola gore Modimo o beile dingaka fano go thusa tlhago, mme ke batho fela... Modimo ke mothathayotlh. Dilo tse dikgolo tse di diragetseng mo dikgweding tsena tse di masome-a-mabedi-le-bongwe ke tse di senang palo thata gore di kwalwe, mme Modimo o tlhomamisitse maafoko a moengele nako morago ga nako. Disusu, dimumu, difofu, nefuta yotlh ya malwetse e fodisitswe, mme dikete tsa bosupi di kwadiiwe ka tatelano. Ga ke na nonofo ka gope e e leng ya me go dira se... Ke motho yo o sa reng sepe go fitlhela go nna teng Ga Gagwe. Batho ba bantsi ba ba tseneng ditirelo tse ba itse gore malwetse a bona le maleo ba di boleletswe gona go tswa mo platformong. Mmuisi yo o rategang, tswee-tswee o sekwa tlhoka go tlhaloganya, tsela ya me ya bohumanegi le go sa rutega ya go leka go tlisa sena sotlh mo go lona. Ke bua se gore gongwe o tle o nne le kutlwiso e e bonalang ya kafa o ka tsayang thuso ya neo ya Modimo. O mpoleletse gore ke ikanyege mme ke dire batho gore ba dumele, mme ke se ke lekang go se dira. Gakologelwa, ga re kitla re botsa ka bokgoni ba Modimo; re ya itse gore A ka dira dilo tsotlh, mme bothata ke go dira gore motho yo mongwe a dumele mo go o mongwe. Modimo ka gale o na le sengwe kgotsa mongwe yo a ka dirang ka ene, mme ke sediriswa se se diriswang ke Ene. Ga go motho yo o swang yo o ka tsayang tlolto ya go diragatsa motlholo, mme ke fela se se swang. Ga ke itse gore go tlaa nna golele go le kana kang go Modimo go ntetla go dira se, mme ka tshwaro Ya Gagwe, ke ikemiseditse go Mo direla bogolo thata kafa ke itsitseng ka teng ka go direla batho Ba Gagwe jaaka fela a ntse A ntetla gore ke phele.

Mo bokhutlong, mo go lona ba ba batlang phodiso mo ditirelong tse. A ke tlogele ditaelo tse pedi tse tse le tshwanetseng go di sala morago, gore le tle le amogele seo le se sololetseng go Modimo.

1. O tshwanetse go dumela polelo ena e ke e go boleletseng, mme gore Neo ena ya Phodiso, e e neetsweng ka Morena Jesu Keresete, ke bokao ba gore Modimo o go tlametse mo phodisong ya gago.
2. Sololetseng go phelela Modimo ka pelo ya gago yotlhe mo bophelong botlhe ba gago.

Voice Of God Recordings, South Africa Office

P.O. Box 178, Somerset West, 7129 Cape Province, Republic Of South Africa

TSWANA

©1993 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiswang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwé go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org